



PARLIAMENT
OF THE REPUBLIC OF SOUTH AFRICA

TALETSO GO SETSHABA GO NEELANA KA BOPAKI GO KOMITI TEBANG LE PATLISISO YA KAROLO 194 – PATLISISO GO GO TLOSIWA MO KANTORONG YA MOSIRELETSI WA SETSHABA, MOATEF. BUSISIWE MKHWEBANE (TALETSO YA BOPAKI)

Komiti ya Patlisiso ya Karolo 194 (“Komiti”) e e tlhomilweng ke Kokoano Bosetshaba (“NA”) e tshwara patlisiso go ya ka karolo 194 ya Molaotheo go sekaseka ditlolomolao mo Tshitsinyong e e tlhagisitsweng ka 21 Tlhakole 2020 kwa NA go simolola ka dikgato tsa go tlosa Mosireletsi wa Setshaba, Moatef. B Mkhwebane, ka ntlha ya magatwe a go sa itse tiro le/kgotsa maitsholo a a sa siamang (Tshitsinyo”)

Maikaelelo a Patlisiso ke go:

- sekaseka ditlolomolao tse di leng mo Tshitsinyong gore go tle go bonwe gore a **Moatef. B Mkhwebane**, ga a itse tiro le kgotsa ga a itshola sentle ka boena
- begela NA ka diphithlelelo le dikatlenegiso tsa yona.

Komiti e laetsa batho go itsise Komiti, ka go kwala fa ba eletsa go tlisa bopaki fa pele ga komiti jo bo tla e thusang mo tshekatshekong ya yona ya Tshitsinyo, pele ga **23 Motsheganong 2022** le go tlhalosa mo kitsisong e e jalo gore a go tlhokega go dira polelo ka fa tlase ga maikano kgotsa ka go neela ka bopaki jaaka go tlhokega. Dintlha tsa kgoagano tse di feletseng di tshwanetse go tsenyeletswa mo kitsisong e e jalo.

Mongwe le mongwe kgotsa mokgatlo o o eletsang go neela ka bopaki go lebeletswa dintlha tse di tlhagelelang go tswa go Tshitsinyo o tshwanetse go dira jalo ka go kwala ka fa tlase ga maikano kgotsa tlhomamiso pele ga **12h00 ka 3 Seetebosigo 2022**.

Kitsiso e e umakilweng fa godimo le bopaki di tshwanetse go neelwa go Komiti ka:

- Imeile go Mokwaledi wa Komiti, **Rre Thembinkosi Ngoma mo go ngoma@parliament.gov.za (nomoro ya kgoagano ke 083 709 8407)** kgotsa
- Tlisa pampiri ka go rulaganya pele le Mokwaledi wa Komiti.

Mongwe le mongwe kgotsa mokgatlo o ka, fa go tlhokega, ba kopiwa go neelana ka bopaki ka fa tlase ga maikano fa pele ga Komiti go ya ka melawana ya Molao wa Dithata, Ditshiamelo le Ditshireletso tsa Palamente le Dikgotlapeomolao tsa Porofense, 2004 le melao le ditsamaiso dingwe le dingwe tse di maleba. Ga go bopaki bope jo bo sa begiwang pele mo lekwang la maikano jo bo tla amogelwang.

Patlisiso e latela morago ga pegelo e e rulagantsweng ke Phanele e e Ikemetseng ya letlha 24 Tlhakole 2021 eo e atlenegisitseng gore, ka ntlha ya mabaka a a tlhalositsweng mo pegeleng eno, ditlolomolao tse di mo Tshitsinyong di romelwe go Komiti jaaka go tlametswe go Melao ya NA.

Patlisiso e tla tshwarwa ka tsela e e tshwanetseng e bile e sa gobebele, le mo sebakeng sa nako e e tshwanetseng.

Tse di latelang di ka bonwa mo webosaeteng ya Palamente e leng www.parliament.gov.za

- Tshitsinyo e e simololang Patlisiso mmogo le bopaki jo bo e tshegetsang;
- Karabo ya Mosireletsi wa Setshaba go Tshitsinyo;
- Pegelo go tswa go Phanele e e Ikemetseng e e neetsweng NA;
- Melao ya NA e e laolang go kobiwa; le
- Dintlha tsa maemo a go dumelanweng ka ona jaaka a amgetswa ke Komiti ka 22 Tlhakole 2022 mme e le ao a ka mametlelelwang nako le nako.

E rebotswe ke Mot. Rre QR Dyantyi, MP, Modulasetilo wa Komiti ya Patlisiso ya Karolo 194.

**Parliament – Following up on our commitments to the People
– Making your future work better**